

سنه لکی درساعات ایچون مجیدیه
یکرمی غروش حسابیله التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

حکومت محاکمات

آبونه اولقی ایستینلر دائره عدلیه ده
اداره مخصوصه سنه مراجعت
ایتملدر

اعلانانک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

محاکمات مستعجله

درساعات استیناف مدعی عمر میلکنده :

مصره فرار وارباب فسادہ التتحاق ایلدیکی
ادعاسیله مظنون علیه اولان مغردیچ حوراریانک
اصول محاکمات جزائییه قانونک مواد
مخصوصه سی احکامنه توفیقاً جنایت محکمه
سندہ محاکمه سی اجرا قلنمق اوزره قانون
جزانک الی سکنجی ماده سی موجبجه
جنایتله اتهامنه قرار ویرلیدکندن متهم مرقومک
هر نرده کوریلور ایسه طوتیلوب محکمه
مذکوره توقیفخانه سنه تسلیمی لازم کله جکی
بالجمله ضابطه عدلیه مأمورلرینک معلومی اولمق
اوزره اشبواخذو گرفت مذکوره سی درساعات
هیئت اتهامیه سندن بالتنظیم اعطا قلندی .

محکمه تمیز استدعا دائره سندن تنظیم واعطا
قلنان اعلامدر :

درامه سنجانغی بدایت محکمه سی جزا دائره سندن
استینافاً لاحق اولوب ۴ کانون اول سنه ۳۲۱ تاریخده
تفهیم ایدیلان وظیفه قرارینی حاوی اعلامک تمیزی
مستدعی مدعی شخصی اسماعیل حق افندی طرفندن
ویریلان ۶ کانون اول سنه ۳۲۱ تاریخی استدعانا
ومتفرعاتی باش مدعی عمومیک مأموریت بهیه سنک
۱۱ نیسان سنه ۳۲۲ تاریخی تبلیغنامه سیله محکمه
تمیز استدعا دائره سنه تودیع اولمغله لدی التدیق
مذکور استدعانا منک مدت وشروط قانونیه موافق
اولدینی اکلاشلدیغندن اوراق مرقومه دائره جه
قرائت ومطالعه اولندی .

اعلام مذکورک مالی قواله قصبه سنده عمارت

خیریه کاتبی اسماعیل حق افندیکنک خانه سی اوزرنده کی
چنقورلی تخریب ایلدیکی ادعاسیله مظنون علیها اولان
پاکیزه خانم حقنده بدایتاً اجرا قلنان محاکمه نتیجه سنده
مسئله ده موجب مجازات احوال اکلاشیله مامش
وطرفین بیننده تحدت ایدن نزاع صیاق صولرینک
صورت جریاننه ایراث مضرته رفعی اسبابی خصوصاته
متعلق اوله رق بناءً علیه حقوق محکمه سنه عائد
وظائفندن اولدیغندن مظنون علیها پاکیزه خانمک عدم
مسئولیتنه ومدعینک محکمه عائد سنه مراجعتده مخیر
اولسنه دائرویریلان قرارک استیناف ایدلمی اوزرینه
جریان ایدن محاکمه استینافیه ده موافق اصول اولان
اعلام ابتدائینک تصدیقنه قرار ویرلیدکندن ومذکور
استدعانا مهیه مربوط لایحه ده مندرج اعتراضاتک
خلاصه سی دخی دعوی متصرف اولدینی خانه نک
داملاغنه مخصوص چیتقورلرینک هدم وتخریبندن
عبارت وثبوتی حالنده افعال ممنوعه قانونیه دن برجرم
اولسنه نظراً محکمه جه جریان ایدن محاکمه ده تخریبک
صحتی ایچون محل مذکورک اصولاً کشفی ومزبورده نک
ثبوت فعل وحرکتی امرنده ارأئه ایدیلوب مدعی
عمومی جانبندن دخی جلب واستماعلری طلب اولنان
شهودک استشهادیله نتیجه کوره بر حکم ویرلمی
لازم کلور ایکن بوجه محرر قرار ویرلمی مغایر
قانون اولدیغندن وسائرده دن بحثله مذکور اعلامک
نقضی طلبندن وتبلیغنامه نک مفادی دخی لایحه تمیزی ده
وظیفه حقنده درمیان اولنان اعتراضات بحاکم کورلمش
اولسنه مبنی اعلام مذکورک قضی لازم کله جکی
بیانندن عبارتدر .

ایجابی لدی المذاکره ایشده مسائل مستأخره
کورلیدیکی حالده انحق اولصورته قرار ویرلمک لازم
کلورایکن مظنون علیها پاکیزه خانمک جهت جزائییه دن
دولایی عدم مسئولیتنه ودیکر طرفندن مدعینک محکمه
عائده سنه مراجعتده مختاریتنه دائر بدایتاً ویریلان
قرارک تصدیق ایدلمی بولسزومخالف قانون اولدیغندن
اصول محاکمات جزائییه قانونک اوچوز اون دردنجی
واوچوز اون طقوزنجی ماده لری احکامنه توفیقاً

اعلام استیناف مذکورک ذکر اولنان اسبابندن دولایی
نقضنه وبروجه مشروح ایضای معامله اولنمق اوزره
اوراق مرقومه نک محله اعاده سنه وشراط تمیزییه
جمله سندن اوله رق عدلیه وزنه سنه مودوع اولان بش
لیرا جزای تقدیدن ایکیوز غروش تمیز اعلامی
خرجنک بالتوقیف اوست طرفنک رد واعاده سنه ۱۸
نیسان سنه ۳۲۲ تاریخده متفقاً قرار ویرلیدی .

محکمه تمیز حقوق دائره سندن تنظیم واعطا
قلنان اعلامدر :

کره سون قصبه سنک قومالی محله سنده مقیم
کشیش اوغلی کرقرور ایله قصبه مذکوره به مضاف
آق کوی ناحیه سنک بولنجق قریه سنده ساکن بزاز
اصنافندن آوجی اوغلی لفر وقبا صقال اوغلی نيقوله
بیننده متکون دعوا به دائر کره سون بدایت محکمه سنک
۱۹ تموز سنه ۳۱۶ تاریخی ویکرمی الی عددی ایله
ویریلان اعلام مرقوم کرقرور طرفندن تمیز ایدلمکله
اعلام مذکور طرفینک اعتراض وجواب لایحه لریله
بالمطالعه تدقیقات تمیزییه اجراسنه ابتدار قلندی .

اعلام مذکورک خلاصه مالی مرقوم کرقرور
مرقومان نيقوله ولفترندن استقراض ایتیش اولدینی
یتیش یدی بچق عثمانلی لیراسنک تأمین ضمنده مقداله
قریه سنده واقع متصرف اولدینی معلوم الحدود ایکی
قطعه فندق باغچه سنی بیع بالوفا طریقیله مرقومانه
صاتمش ایسه ده دین مذکوره محسوباً تواریح مختلفه ده
طوغریدن طوغرییه وبالواسطه ویکرمی طقوز بچق
لیرا تسلیاتی وقوع اولدینی کی متبایسنی ده کندولرینه
ایضایه حاضر بولندینی حالده مذکور باغچه لریک اعاده
فراغندن امتناع ایتیمکده اولدقلرندن بحثله مرقومانک
متبای دیننک اخذیله مذکور باغچه لریک طرفنه اعاده
وتسلیمنه مجبور طوتلرینی طلب ودعوی وبوباده
بیع بالوفا معامله سی ودینک تقاسیط معینه ده تسویه
ایدیله مدیکی صورتده وفاء منعقد اولان بیعک کسب
قطعت ایده جکی ناطق برقطعه سند ابراز ایتسنه

قارشو مدعی علیهمانک وکیلاری دخی موکلاری مبلغ مستقرضک تقاسیط معینهه تأدیه قلماسندن ناشی اولبالیدهکی بیعک برموجبسند کسب قطعیتایدجکی جهته موکلارینک باطوبو متصرف اولدقاری مذکور باغچهلر حقشنده مدعینک واقع اولان معارضهسندک منعی بالمدافعه درمیان ایتیمی اوزرینه مدعی مرقوم کرقرور دخی بومثللو وفاء منعقد اولان بیعهه رهن حکمی جریانایدهجکندن دینی تأدیه ایده مدعیکی صورتده مذکور باغچهلرک بالزایده فروختیه امانندن دینک تسویهسی لازم کلهجکی علاوه تذکار ایلش ایسهده محکمهجه جریان ایدن محاکمه و تدقیقات نتیجهسندده میرز سندده محرر اولدینی وجهه مدعی مرقومک بورجی تقاسیط معینهه تسویه ایده مدعی تقدیرده مذکور باغچهلرک قطعاً دایرلرک مالی اولهجنی و برنجی قسیطک عدم ایقاسی حالده ۳۱۳ و ۳۱۴ سلهلرینک حاصلاتی مدعی علیهمایه عائد اولهجنی مقاوله احکامندن اولوب بومثللو قانونه موافق مقاولات احکامی ایسه قانوناً معتبر بولنش و مبلغ مستقرضک تقاسیط معینهه تسویه اولنه مامش اولسنه و مذکور باغچهلرک مدعی علیهمایه قطعاً بیع ایدیلرک طابو سندلری اعطا قلندی طرفینک اعترافی تحتده بولسنه نظراً مذکور باغچه حاصلاتندن مدعی علیهمانک قبض ایدلکری فدلقره تسلیات نظریله باقیلمیهجکی کبی مدعینک سائر مدعیاتی دخی واهی کورنش اولدینی بیانییه اولبالیده مدعی علیهمایه وقوعبولان معارضهسندک منعه حکمندن مستدعینک اشوب حکم علینده لایحهسندده بحرر باشلوجه اعتراضی منازع فیه باغچهلری کندوسنک مرقومان لفر ونبقوله دن اخذ واستقراض ایدلکی اقیهیه قارشو وفاء بیع ایتیش و بیع مذکورده ایسه رهن حکمی جاری بولنش ایکن محکمهجه بوبولده اجرای تدقیقاتله نتیجه حاصلیه کوره قرار ویرلک لازم کلور ایکن بوباید اجرای تدقیقات اولنقیزین برموجب مقاوله تقاسیطک وقت معینهه تأدیه قلنمدینی سرشتهسیله حکم ایدلسی مغایر قانون اولدیفندن بمثلله اعلامک تقضی و مدعی علیهمانک نتیجه جوابلری دخی حکم واقع موافق اصول وقانون اولدیفندن اعتراضات واقعه نکر دویه اعلام مذکورک تصدیق طلبندن عبارتدر .

ایجابی مذاکره اولدقده اعلام مذکور مألندن اکلانشلیدینی اوزره منازع فیه باغچهلر مرقومان لفر ونبقوله عهدلرنده وفاء مرهون اولدینی جهته مدت معینهسندک مروریله بیع واقعلک اکتساب قطعیت ایده میهجکی کبی بوجهت دخی طرفینک تصادقی تحتده بولسنه نظراً مدیون دینی ویرمز ایسه محکمهجه مرهون مذکورک فروختیه امان حاصلهسندن

دین واقعلک تأدیهسند حکم ایدلک اقتضا ایدر ایکن خلاف قانون اولهرق بیع واقعلک قطعی اولدیفنه قرار ویرلسی مغایر قانون اولدیفندن اصول محاکمه حقوقیه قانونسندک ایکویز اوتوز ایکنجی و ایکویز قرق برنجی مادهلری موجبجه اعلام مذکورک نقصنه وقانون مزبورک ایکویز قرق دردنجی مادهسندک فقره اولاسی حکمنه توفیقاً کیفیتک تکرار بالرؤیه اعلامه ربطی ضمننده محکمه مذکوریه اعادهسندده ومستدعی تمیز کرقرور طرفندن ایضا قتلان درتیزو اوتوز الی بقی غروش مضارف تمیز یه نک ایلروده حقسز چیقهجق طرفه عائد اولسنه ۲۵ مایس سنه ۳۱۸ تاریخنده متفقاً قرار ویرلری .

یناکی ولد دیمتری بن قتل قصدیه ضرب و جرح ایدلکی ادعا قلنمسندن ولای جانیته اتهام اولنان پویدان ولد عنکلینک اوچ سنه مدته کورک قونلسنه دائر دده اغاجسناجی بدایت محکمهسی جزا دائرهسندن اعطا قتلان ۱۸۵ نومرولی اعلام

فضلی بابا متونک دکان کپکنی آلت مخصوصه ایله آچهرق اشیاسی سرق ایدلکی ادعا اولنمسندن دولای جانیته اتهام اولنان فیضی بن بانوشک اوچ سنه مدته کورک قونلسنه دائر ارکری سناجی بدایت محکمهسی جزا دائرهسندن ویریلان ۳۸۴ نومرولی اعلام

قاجاقیق صورتیهلر پروزه قصبهسند روولور فشنگلری ادخال ایدلکی ادعا اولنمسندن دولای جانیته اتهام اولنان دیمترینک اوچ سنه مدته کورک قونلسنه دائر پروزه سناجی بدایت محکمهسی جزا دائرهسندن ایکنجی دفعه اولهرق اعطا قتلان ۲۳۴ نومرولی اعلام

اخذوغصب مادهسندن دولای جانیته اتهام اولنان تیمور بن یشارک اوچ بچق سنه مدته کورک قونلسنه دائر سالانیک ولایتی مرکز بدایت محکمهسی جزا دائرهسندن ویریلان ۲۹۹ نومرولی اعلام

ارسالان بن عیسانک کیفیت قتلندن دولای جانیته اتهام اولنان ساناک اون بش سنه مدته کورک قونلسنه دائر برات سناجی بدایت محکمهسی جزا دائرهسندن ایکنجی دفعه اولهرق ویریلان ۶۶ نومرولی اعلام

تخصیلدار یوسف افندیکنک خانهسند بالدخول آلت مخصوصه استعمالیله سرقته جرأت ایدلکی ادعا اولنمسندن دولای جانیته اتهام اولنان یوسف بن علینک اوچ سنه مدته کورک قونلسنه دائر جزایر بحر سفید ولایتی استیناف محکمهسی جزا دائرهسندن اعطا قتلان ۳ نومرولی اعلام

طاشو ولد رادو وزوجهسنی قتل قصدیه جرح ایدلکی ادعا اولنمسندن دولای جانیته اتهام اولنان مرقوم طاشونک برادری میلادینک اوچ سنه مدته کورک قونلسنه دائر پرزین سناجی بدایت محکمهسی جزا دائرهسندن ویریلان ۴۷۷ نومرولی اعلام

قطع طریق صورتیهلر اخذوغصب قلنندن دولای جانیته اتهام اولنان ابوزر بن رشیدک اوچ سنه مدته کورک قونلسنه دائر اورفه سناجی بدایت محکمهسی جزا دائرهسندن ایکنجی دفعه اولهرق ویریلان ۵۰ نومرولی اعلام

احمد بن حسن ندافی قتل ایدلکی ادعا قلنمسندن دولای جانیته اتهام اولنان مرقومک برادری محمدک اون بش سنه مدته کورک قونلسنه دائر نابلس سناجی بدایت جزا دائرهسندن ایکنجی دفعه اولهرق ویریلان ۳۶۸ نومرولی اعلام

علی بن ابراهیمی قتل ایدلکی ادعا اولنمسندن دولای جانیته اتهام اولنان ابراهیم بن داودک اون بش سنه مدته کورک قونلسنه دائر قوصوه ولایتی استیناف محکمهسی جزا دائرهسندن ویریلان ۳۴۶ نومرولی اعلام

اسماعیل بن صادقک ماده قتلندن دولای جانیته اتهام اولنان کامل بن سلیمانک اون بش سنه مدته کورک قونلسنه دائر برات سناجی بدایت محکمهسی جزا دائرهسندن ویریلان ۹۰ نومرولی اعلام

فاطمه خاتونه قتل قصدیه سلاح انداخت ایدلکی ادعا اولنمسندن دولای جانیته اتهام اولنان حاجی علی اوغلی اسماعیلک اوچ سنه مدته کورک قونلسنه دائر کوملجنه سناجی بدایت محکمهسی جزا دائرهسندن اعطا قتلان ۳۲۱ نومرولی اعلام

احمد چاوش بن نذیرک قاتله معاونت ایلنمسندن دولای جانیته اتهام اولنان هایل بن حسینک الی سنه مدته کورک قونلسنه دائر کوربجه سناجی بدایت محکمهسی جزا دائرهسندن اعطا قتلان ۲۶۰ نومرولی اعلام

بعض اشخاصدن باره دولاند بر دینی ادعا اولنمسندن دولای جانیته اتهام اولنان مصطفی بن خلیلک اوچ سنه مدته کورک قونلسنه دائر پرزین سناجی بدایت محکمهسی جزا دائرهسندن اعطا قتلان ۱۵۷ نومرولی اعلام

خدمت ایدلکی و اسایلکی پیادوبلونک مغازهسندن برطاقم اشیا سرق ایدلکی تین ایدن جمال ایلیانک الی آی مدته حبسنه و موجود اشیانک مشتکی به اعطاسنه

مجید نام چوچنی ضرب ایدن لئونیدانک برهفته حبسنه

بغوصی ضرب ایدن غراملا نام قادیندن بر آلتون آلتوب مضروب ویرلسنه

خلاف ممنوعیت سلاح طاشیدینی اکلانشیلان احمدن بش بشلک جزای نقدی اخذینه

صاواطورک یانکسیجیلکه تصدی ایتدیک ثابت اولدیفندن اوچ ماه حبسنه

ابراهیم اغای ضرب ایدن علی اغادن ایکی آلتون آلهرق مضروب ویرلسنه

علی بک ایله حاجی محمدی جرح ایدن فوآد افندیکنک اوچ ماه حبسنه

قولی ایله نطانک یکدیگری ضرب ایتدکلرندن نطانک اون کون وقولینک برهفته مدتلرله حبسارینه یوسفک دکانندن لیلای سرقته تصدی ایدلکی ثابت اولان سعیدک الی ماه حبسنه

طوبخاندهه کائن تنباکو فایرشفهسندن تنباکو سرق ایدن ما کنیست افیمک الی آی مدته حبسنه درسعدت ، بک اوغلی واسکدار بدایت محاکمی جزا دائرهلرنجه قرار ویراشدر .

اعلانهای

انجمن اداره عدلیه

عدلیه نظارت جلیلهسی دائرهسندک سنه حالیه شباطی نهایتنده مدتلری منقضی اولهجق اولان پاپوشجیلغیه پراکنده صایحیلقلری اولجه اعلان ایدلکی وجهله اجرا قتلان مزایدیهسی نتیجهسندده اوتوز درت بیک غروشنده طالبی عهدهسندده ایسهده مقدارمذکور نصابتده کوریه مامش اولغله مزایدیه دوام ایدیلرک بدل التزام حد لایقنی بولدینی تقدیرده شباطک یکرمی سکزننجی چهارشنبه کونی احاله موقتهسی و اوچ یوز یکرمی اوچ سنهسی مارتنک برنجی نیچشنبه کونی احاله قطعیهسی اجرا قلنهجکی کبی قرار موقتی اعطا قلنمش اولان بک اوغلی واسکدار دوائر عدلیهسی پاپوشجیلقلرله ماکولات و مشروبات صا- یجیلقلرینک دخی شباطک یکرمی سکزننجی چهارشنبه کونی قرار قطعبلری اعطا اولنهجکی جهته التزامات مذکوریه دهزایدیهسیله طالب اولانلرک جمعه وپازاردن ماعدا هرکون تأمینات ایلقلرنی حاملای ساعت التیدن اونه قدر انجمن اداره عدلیه ویا محاسبهیه مراجعت ایللری اعلان اولنور .

درسعدت جنایت محکمهسندده :
اوچ یوز یکرمی ایکی سنهسی تموزینک بدنجی جمعه ایرتسی کونی ساعت طقوز رادهلرنده بلغورلی قریهسندک یالکز سرو جهتهه کائن طنطای زاده عطوفقلو خالد بک افندی حضرتلرینک کوشکسندده مقیم علی بن قتل قصدیه جرح ایتدکلری ادعاسیله مهم بولنان اورته بوی ووجودلی صاری بیقلی مائی کوزلی آرقهسندده بیاض جامه دان و بیغانه یوطور اکسایدن وباشنده کپکه کلاه بولنان یکرمی الی یاشنده چوبان ارنبود یوسف ایله کذلک اورته بویلی بغدای بکزیلا کوزلی تر بیقلی اولوب باشنده کپکه کلاه و آرقهسندده شیل رنگلی عبا ویاغنده یوطور بولنان اون الی یاشلرنده یته چوبان ارنبود عبدی الله ایدیه مامش اولدقلرندن تاریخندن اعتباراً جانب ریاستدن کندولرینه مجدداً اون کون مهل اعطالقبوب مهل معین ظرفنده مرقومان محکمهیه کدکلری حالده قانونه اطاعت ایتماش نظریله باقیلهرق حقوق مدنیهن اسقاط قلنهجقلری وعلیهلرنده دعوییه قیام اولنهجکی و محاکمه غایبهلری اثناده ماللرینک حیز آلتیه آلنهجکی و بوسرهده برکونه ادعایه حقلری اوله میهجکی کبی معاملات حیزیه حقنده دخی مدعی عمومیلکه تبلیغات مقتضیه اجرا ایدلکی جهته اصول محاکمت جزائی قانوننک اوچ یوز یتش برنجی و اوچ یوز یتش ایکنجی مادهلرندن استنباط اولنان احکامه توفیقاً اشبو قرارنامه بالتتظلم اعلان اولنور .

اوچ یوز یکرمی ایکی سنهسی تشرین ثانیسنک اون سکزننجی جمعه ایرتسی کونی کوزتپه جوارنده شکری بنی جرح و قتل ایتدیک ادعاسیله مهم بولنان اوزون بویلی اتنه طولغون آرز سیاه بیقلی اولوب یاغنده آجیق مائی پانظالون صیرتنده سیاه چاکت و باشنده فس بولنان وچفته حوضلرده برارمینک یاننده بکجیلک ایدن اشقودرهلی یکرمی بش یاشنده آدم دردست ایدیه مامش اولدیفندن تاریخندن اعتباراً جانب ریاستدن کندولرینه مجدداً اون کون مهل اعطا قلوب مهل معین ظرفنده مرقوم محکمهیه کدیک حالده قانونه اطاعت ایتماش نظریله باقیلهرق حقوق مدنیهن اسقاط قلنهجکی وعلیهلرنده دعوییه قیام اولنهجکی و محاکمه غایبهسی اثناده مالنک حیز آلتیه آلنهجکی و بوسرهده برکونه ادعایه حق اوله میهجکی و مرقومک بولندی بنی محلی بیلنلر خبر و برمهک و بالجمله ضابطه عدلیه مأمورلرینک کندوسنی طومغه مجبور بولندقلری کبی معاملات حیزیه حقنده دخی مدعی عمومیلکه تبلیغات مقتضیه اجرا ایدلکی جهته اصول محاکمت جزائی قانوننک

اوچ یوز یتش برنجی و اوچ یوز یتش ایکنجی مادهلرندن استنباط اولنان احکامه توفیقاً اشبو قرارنامه بالتتظلم اعلان اولنور .

ایکینجی محکمه مجازیه :

استانبولده میدا بنجده مغازهسندده اجرای تجارت ایتکده ایکن ایکنجی محکمه تجارتدن افلاسنه حکم اولنش اولان اییلک تجارتدن اندوناک انا نیادی ذمتده آلهجفی اثبات ویا موقتاً قبول وقید ایتدیرمش اولان آلهجقلورک قانوننامه تجارتک ۲۱۱ نجی و آئی ولی ایدن مادهسی موجبجه مفلس طرفندن تکلیف اولنهجق قوتقور داتونک مذاکرهسی ایچون اشبو بیک اوچ یوز یکرمی ایکی سنهسی شباطک یکرمی التنجی بازار ایرتسی کونی محکمه مذکورنک مصالح افلاسیه رؤیته مخصوص او طهسنه کلری اعلان اولنور .

غلطلده و یوهده جادهسندده ۱۳ نومرولومغازهده ساکن چوخه تجارتدن قسطنطین لغاریدیسک ۱۹ شباط سنه ۳۲۲ تاریخندن اعتباراً اعلان افلاسنه و مصالح افلاسیه نکر رؤیت و تسویهسی ضمننده اعضای محکمدن عزتلو صادق بک ژوز قومیسر و دعوی وکیللرندن سعادتلو سلیم حسنی وچوی اوغلی بدوساکی ومارقواروش افندیلرک موقت سندیک تعیینلریه و مغازه سیله دپولرندکی اموال تجاریه و اشایی زائدیه بیتهسندک تمهیریه و اوراق و دفاترینک جنبه و کفالت مصدقه ارئه ایده مدعی تقدیرده حبس و توقیفه و یوبایدکی قرارک موقتاً اجراسنه ایکنجی تجارت محکمهسندده قرار ویرلش اولدیفندن قانوننامه تجارتک ۱۷۰ نجی مادهسی موجبجه دائمی سندیکلر انتخاب اولنق اوزره احباب مطلوبک ۳۳ سنهسی شهرمارتنک بشنجی بازار ایرتسی کونی ساعت الی رادهلرنده محکمه نکر افلاس معاملاتنه مخصوص او طهسنه کلری اعلان اولنور .

درسعدت امور مات نظام اجرا دائرهسندده :

بروسه دیون عمومیهسندک اوچ یوز اون الی سنهسی زیتون اعشارندن وجهت کفالتدن آرین آشجیان ذمتده آلاجنی اولان یوزینک کسور غروشک تأمین استیفالیچون مدیون مرقومک عهده تصرفده اولوب بروسه بدایت محکمهسندک اشعارای اوزرینه حیز و فروخنی قرارلشدیریلان قاضی قریهسندده برقیسی اسکله جادهسندده و دیگر قسیمی اشکنبهجی زقافته ناظر بلا نومرو کارگیر خان و اون طقوز اوطهلی مشتمل

و آلتده ماه بماه اوچ ليرا کرا کتير بر باب چيويجي دکاني واشکنه جي زقاغه ناظر و ماه بماه بشيوز غروش کرا کتير بر باب فرون و اتصانده يوز غروش کرا کتير پروکار دکاني وينه قرق غروش کرا کتير آشجي دکاني حاوي بر باب خانک ثلثان حصه شايه سنک بوندن اقدام اولنان مزايده نتيجه سنده ليراي عثمانی يوز غروش حسابيله الی بیک بشيوز غروشده طالبي عهده سنده تقرر ايلش اولديغدن بوندن زياده يه يعني يوزده بش ضميمه طالب بولنانلرک تاريخ اعلاندن اعتباراً اوتوز برکون ظرفنده پي اچه لريله برابر درسعادت اعلانات نظاميه اجرا دائره سنه مراجعت ايتلری اعلان اولنور .

بک اوغلي بديت محکمه سی اجرا دائره سنده :

اوخانس فرنکیان افندينک زینتی و کریمه سی خدیجه خانم دمتلرند بقیه مطلوبی بولنان مبالغ معلومه نک تأمین استیفاسی ضمنده مومی الیهمانک عهده تصرفلرند اولوب داین مومی الیه نامنه فراغ بالوفا ایله مقید و فروختی حکم اعلامه مستند بولنان ایاس پاشاده ایه زقاغنده اون ایکی و مکرر اون ایکی نومرولرله مرقم و افرازی اجرا قلنان ایکی باب خانه دن یالکز جدید طقسان بش آرشون اون یدی پرمقدن عبارت عرصه ایچنده ایکی قات اوله رق صغیر و کبیر بش اوطه وصفه و آبدستخانه یی و مطبخ و طلومبه لی قیوی مشتمل بولنان قاسم پاشاده سروری مسجندده واقع مرحوم اسماعیل اغا وقفندن توسیع انتقالو کوچک اخشاب خانه لدی المزایده یدی بیک غروش آتون آچه بدل ایله طالبي عهده سنده تقرر ایدرک موقت قرار داده سی کشیده قلنمش اولديغدن تاریخ اعلاندن اعتباراً اوتوز برکون ظرفنده لاقل یوزده بش ضمیمه طالب اولوب معلومات مفصله آلق ایستیانلرک یوزده اون نسبتنده کی دیپوزیتو اچه لرینی مستصحباً بک اوغلی بديت محکمه سی اجرا دائره سنه مراجعت ایللری ومدت مذکوره ختامنده یعنی شهر مارتک یکریمی التتجی صالی کونی ساعت سکرز راده لرنده قرار داده قطعیسی کشیده قلنمق اوزره سالف الذکر خانه نک پیشکاهنده مأموری مواجهه سنده حاضر بولملری اعلان اولنور .

اطنه تجارت محکمه سنده :

آطنه ده ساچ بدستانده مانیفاتوره تجارتیه مشغول ایکن آطنه تجارت محکمه سنندن افلاسنه حکم اولنش اولان کراغوص چولاقیانک خصوصات افلاسیه سنک رؤیت و تسویه سی ضمنده دعوی

و کیلرندن یورغا کی افندی شیکاریدیس اصالة سندیک تعین قلنمش اولديغدن مفلس مرقوم ذمتده آله جنی اولانلرک قانوننامه تجارتک (۱۹۹) و (۲۰۰) نجی ماده لری موجبجه تحقیق دیون ایچون تاریخ اعلاندن اعتباراً یکریمی برکون ظرفنده سنداتی محکمه کاتبه تسلیم ایللری ومدت مذکوره ختامندن صکره اوچ کونده یعنی اوچ یوز یکریمی اوچ سنه سی مارتک اوچنجی جمعیه ایرتسی و بشنجی بازار ایرتسی والتتجی صالی کونلری محکمه مذکوره نک مصالح افلاسیه رؤیته مخصوص اوطه سنه کله رک سندیک مومی الیه مواجهه سنده اله جق لری اثبات وقید و تصدیق ایتد یرملری ومدت مذکوره ده اثبات وجود ایده میان آله جق لور حقدنه قانون مذکورک (۲۱۰) نجی ماده سنه توفیقاً ایفای معامله اولنه جنی اعلان اولنور .

مدلولو تجارت محکمه سنده :

مدلولو تجارت محکمه سنجه اعلان افلاسنه قرار ویریلان مدلولوده مقیم شیشه تجارتندن آرستیدی قریستالیدینک قانوننامه تجارتک ۱۹۹ و ۲۰۰ نجی ماده لری موجبجه تدقیق و تحقیق دیوننه مبادرت اولنه جغندن مفلس مرقومدن آله جق ادعا سنده بولنانلرک ۳۳۲ سنه سی شباطک اون بشنجی کوندن اعتباراً یکریمی برکون صکره اوراق ثبوتیه لریله برابر محکمه تجارتده ژور قومیسره مخصوص اولان اوطه یه کللری ومدت مذکوره ختامندن صکره اوچ کونده یعنی ۳۳۳ سنه سی مارتک سکرزنجی پنجشنبه و اوننجی جمعیه ایرتسی و اون ایکنجی بازار ایرتسی کونلری آله جق لری اثبات وقید و تصدیق ایتد یرملری ومدت مذکوره ده اثبات وجود ایده میان آله جق لور حقدنه قانون مذکورک ۲۱۰ نجی ماده سنه توفیق معامله ایدیه جکی اعلان اولنور .

مرسین تجارت محکمه سنده :

مرسین چارشوسننده تحفیه تجارتیه مشغول ایکن مرسین تجارت محکمه سنندن افلاسنه حکم اولنش اولان قره بت طاشجیانک خصوصات افلاسیه سنک رؤیت و تسویه سی ضمنده تجارتندن شیخمان اغازاده صالح و قالین اوغلی دیمتر کی افندیلر دائمی سندیک تعین قلنمش اولديغندن مفلس مرقوم ذمتده آله جنی اولانلرک قانوننامه تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً یکریمی برکون ظرفنده سنداتی محکمه کاتبه تسلیم ایللری ومدت مذکوره ختامندن صکره اوچ کونده یعنی کانون ثانیلک اون اوچنجی جمعیه ایرتسی

واون بشنجی بازار ایرتسی و اون التتجی صالی کونلری مرسین تجارت محکمه سنک مصالح افلاسیه رؤیته مخصوص اوطه سنه کله رک سندیک مومی الیه مواجهه سنده آله جق لری اثبات وقید و تصدیق ایتد یرملری ومدت مذکوره ده اثبات وجود ایده میان آله جق لور حقدنه قانون مذکورک ۲۱۰ نجی ماده سنه توفیقاً ایفای معامله اولنه جنی اعلان اولنور .

بازر تجارت محکمه سنده :

دولت علیه تبعه سنندن و یافه ده مقیم اموال قطاریه تاجرلرندن مسعود عزوینک ۳ شباط سنه ۳۳۲ تاریخندن اعتباراً اعلان افلاسنه و مصالح افلاسیه نک رؤیت و تسویه سی ضمنده اعضای محکمه دن مکرمتلو درویش افندیک ژور قومیسر و یافه تجارتندن و محکمه موثوقلرندن شکری عسلی افندیک موقت سندیک تعینلرینه و مغازه سیله اشیای زائده بیتیه سنک تمهیرینه و اوراق و دفاترینک جلبنه و کفالت مصدقه معتبره ارأه ایده مدیکی تقدیرده حبس و توقیفنه و بوبابده کی قرارک موقتاً اجرا سنه یافه تجارت محکمه سنجه قرار ویرلش اولديغدن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولنمق اوزره شباطک یکریمنجی بازار ایرتسی کونی ساعت الی راده لرنده اصحاب مطلوبک محکمه مذکوره نک مصالح افلاسیه رؤیته مخصوص اوطه سنه کللری اعلان اولنور .

تکفور طاغی بديت محکمه سی اجرا دائره سنده :

تکفور طاغلی حاجی پیر زاده شیخ راسم افندیکن برهان الدین افندی و قفی نقودندن اخذ واستقراض ایلدیکی مبالغه مقابل وفاء مفروغ و محجوز اولوب بوکره مزایده لازمه لری اجرا قلنان تکفور طاغی جوارنده قباقلی قولنده واقع ایکی قطعه ده معلوم الحدود اوتوز درت دوم ترلاده اولان درت حصه دن بر حصه سی ایکی بیک یوز بش و بانجی قریه سنده موسی بابا تکیه سی جوارنده کائن بر قطعه ده قرق درت دوم ترلاسنک نصفی ۳۸۰ وینه بوقریه ده الی دوم ترلانک نصفی ۴۰۰ وینه قریه مذکوره ده اوتوز الی دوم ترلانک نصفیه ۳۰۰ غروشه طالبلری عهده لرنده تقرر ایتدیکندن بونک اوزرینه یوزده بش ضمیمه طالب اولانلرک اشبو اعلان تاریخندن اعتباراً اوتوز برکونه قدر تکفور طاغی بديت محکمه سی اجرا دائره سنه مراجعت ایللری اعلان اولنور .